



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Quomodo omnes articuli fidei nostræ Christianæ sunt impugnati. tit. 44

urn:nbn:de:hbz:466:1-29452

ergo prodest iactare fidem & dicere, Domine Domine, Mat. 7. Si charitatis præceptum negligitur, Ioan. 15. Hoc est præceptum meum.

QUOMODO OMNES ARTICULI fidei nostræ Christianæ sunt impugnati.

TITVLVS XLIIII.



P O stolus 1. Corinth. 1. inquit: Prædicamus Christū, iudæis scandalum, Gentibus stultitiam, sed vocatis sanctis Dei, virtutem & sapientiam. An ideò fides Christiana falsa est & vana, quòd iudæi & gentes non credunt? Romanor. 3. absit. An ideò fides relinquenda est, quia aliqui hæretici, gentes & iudæi eam negant, atque Sacramenta, pia opera, & id genus alia? Absit: est enim Deus verax, omnis autem homo mendax, Psalm. 115.

Primum articulum fidei nostræ, Credo in Deum patrem omnipotentem, creatorem cœli & terræ, visibilibus & invisibilibus creaturarum, &c. negant gentes, multos Deos fingentes. Psalm. 95. Omnes dii gentium dæmonia. Et 1. Thessal. 4. sicut gentes, quæ Deum ignorant, totum igitur articulum fidei, & primum, Credo in Deum patrem omnipotentem &c. negant gentes. Secundum articulum, scilicet, credo in Iesum Christum filium eius unicum, Dominum nostrum, negant iudæi, & dicunt simpliciter Luc. 19. Nolumus hunc regnare super nos, & per consequens negant omnia, quæ adherent huic articulo, quòd conceptus sit de Spiritu sancto, Lucae 2. Natus ex Maria virgine, & quòd passus sit pro salute generis humani, sub præsentia Pontij Pilati, mortuus & sepultus, quòd resurrexit tertia die, quòd ascendit in cœlos, & sedet ad dexteram patris omnipotentis, & inde venturus

tūrus est iudicare viuos & mortuos in iudicio. Hæc omnia negant Iudæi. sed nunquid ideò falsa? Absit, omnis homo mendax, Psalm. 115. Tertium articulum, Credo in Deum Spiritum sanctum, & omnia quæ comprehenduntur sub illo articulo negant heretici. Macedonius negat Spiritum sanctum esse Deum, sed solum seruum patris & filij & creaturam, contra illud 1. Ioan. quinto, Pater, verbum & Spiritus sanctus: & hi tres vnum sunt, scilicet in natura. Secundò, sanctam Ecclesiam esse vnā & Catholicā, id est, diffusam per totum orbem. Psalm. 18. In omnem terram exiuit sonus eorum, in qua est communio sanctorum, 1. Cor. 10. Vnus panis & vnū corpus multi sumus. Est ibi communio Christi & Ecclesiæ. & hoc negat Donatus, Arrius, Vvicleph, & omnes heretici: alioqui se non sectarent in specialem sectam, si crederent vnā Ecclesiam. Ephes. quarto. Vnus DEVS, vnus Baptisma. Tertio, remissionem peccatorum negant Nouatiani, qui solam vnā concedunt in Baptismo, & in relapsis negāt alteram remissionem, cum Christus Matthæi 18. non septies duntaxat, sed septuagesies septies iubet dimitti offensam fratris, & iussit quoque quotidie orare ad patrem, Dimitte nobis debita nostra & cætera. Matth. 6. Quarto, carnis resurrectionem, vt quondam Saducæi in Euangelio disputantes cum Christo, Matthæi 22. quos Christus ipse conuicit scripturis, Non est Deus mortuorum, Exod. 3. Et Paulus 1. Corinth. 15. contra bestias pugnavit. Habet ille Saducæus hodiè multos occultos adhuc discipulos. Quintò, & vitam æternam, id est, ex gratia & propter Christum. Sic Deus propter Christum ordinauit, vt in illum credentes, habeant vitam æternam, Ioan. 6. & Ioan. 11. Alioqui, quia sunt creaturæ, non haberent scilicet eternitatem, sed & hoc negarunt Auerroiani, Plinistæ, &c. Sic fidei articuli oēs sæpè à iuuentute Ecclesiæ impugnati sunt, sed nihil potuerunt

potuerunt Psal. 128. inimici. Non ergo fides Ecclesie
falsa aut Sacramenta, quòd negantur ab hæreticis,
Rom. 3. Similiter & omnia Sacramenta, sunt ab hæ-
reticis vel negata aut impugnata.

*AN HOMO NIHIL ALIUD
facere debet, quam credere.*

TITVLVS XXXXV.



R Imò notandum, quòd mundi iam est
doctrina, quòd homo nihil aliud indi-
geat ad salutē, quàm credere. Nam opo-
ra, satisfactio, & omnia quæ fieri debe-
ant pro salute omnium hominū, iam
semel facta & expedita sunt per Christum, & in illum
solum posuit Pater omnium nostrū delicta, Esa. 53.
Hic semel intrauit in sancta sanctorum, & reperit æ-
ternam vitam, Heb. 9. Nihil ergo amplius est necessa-
rium homini ad salutem, sed vt solum credat &c.

Secundò, hoc verum est, quòd omnia quæ salutem
nostram concernunt, semel promerita sunt per Chris-
tum: & non est opus, vt adhuc alia fiat satisfactio
pro redemptione mundi: sufficit illa vnica Christi
satisfactio, quæ æterna est, Hebræo. 9. At distributio
Christi meriti & satisfactionis, nondum est facta: hęc
autem fit quotidie & omni hora, & durabit vsque
ad finem mundi. At quomodo distribuitur? Respon-
deo, Per media. At quæ media? Respondeo, quæ
Christus præcepit Marc. 1. Pœnitementini, & credite Eu-
angelio. Secundò, facere voluntatem patris qui est
in cœlis, Matthæi 7. id est, seruare illius præcepta.
Summa, totum Euangelium docet, quomodo non so-
lum credamus, sed quatenus etiam apprehendamus
Christi beneficium & retineamus: & nisi Euangelio
toti obedierimus, amittemus gratiam iterum.

Tertiò, media sunt hæc, non merita, sed media per
quæ